



**Kviteseid kommune**

ÅRSMELDING FRÅ  
KONTROLLUTVALET



**VETAKS**

VESTFOLD, TELEMARK OG AGDER  
KONTROLLUTVALGSSEKRETARIAT IKS

# INNHALD / KONTROLLUTVALETS ÅRSMELDING / **2022**

---

1	Innleiing	03
2	Rammer for kontrollutvalet	04
3	Økonomi	06
4	Samansetjing av kontrollutvalet	08
5	Kompetanse og opplæring	10
6	Sekretariat	12
7	Revisjon	13
8	Arbeidet til kontrollutvalet – møte og saker	14
8.1	Rekneskapsrevisjon	16
8.2	Forenkla etterlevingskontroll	18
8.3	Forvaltningsrevisjon	20
8.4	Eigarskapskontroll	24
8.5	Andre saker	26
9	Konklusjon og avsluttande kommentar	27

# I. Innleiing

**Kontrollutvalet skal årleg rapportere om aktiviteten og resultatet av arbeidet sitt til kommunestyret. I samband med dette leverer kontrollutvalet ei samla årsmelding for utvalet sitt arbeid.**

Årsmeldinga skal gi eit bilde av utvalet si formelle rolle, instruks, forholdet til revisjonen og sekretariatet, og dei viktigaste sakene som er handsama gjennom året. Årsmeldinga bør sjåast i samanheng med vedtekne planar.

## 2. Rammer for kontrollutvalet

**Kommunestyret har det overordna kontrollansvaret for den kommunale verksemda. Kontrollutvalet skal føre løpande kontroll med kommunen si verksemd på kommunestyret sine vegner.**

Ansvaret til kontrollutvalet følgjer av kommunelova §23-2 første ledd: «Kontrollutvalget skal påse at


- a. kommunens eller fylkeskommunens regnskaper blir revidert på en betryggende måte
- b. det føres kontroll med at den økonomiske forvaltningen foregår i samsvar med gjeldende bestemmelser og vedtak
- c. det utføres forvaltningsrevisjon av kommunens eller fylkeskommunens virksomhet, og av selskaper kommunen eller fylkeskommunen har eierinteresser i
- d. det føres kontroll med forvaltningen av kommunens eller fylkeskommunens eierinteresser i selskaper mv. (eierskapskontroll)
- e. vedtak som kommunestyret eller fylkestinget treffer ved behandlingen av revisjonsrapporter, blir fulgt opp»

Utover dette kan kontrollutvalet ta opp alle spørsmål ved verksemda til kommunen som er knytte til utvalet sitt ansvarsområde. Det er berre lovverket, kommunestyret og utvalet sjølv som kan påleggje kontrollutvalet oppgåver og saker, eller avgrense kva saker utvalet kan handsame.

Kontrollutvalet har omfattande innsynsrett. Blant anna kan utvalet utan hinder av teieplikt, krevje alle opplysningar, utgreiingar eller dokument og gjere dei undersøkingar som det finn nødvendig for å gjennomføre oppgåvene sine.


Utvalet sin leiar har møte- og talerett i kommunestyret når utvalet sine saker vert handsama. Utvalet sin leiar kan la eit av dei andre medlemmane i utvalet utøve denne retten på sine vegner. Kontrollutvalet har rett til å vere til stades i lukka møte i folkevalde organ i kommunen.


Kontrollutvalet har ikkje høve til å føre kontroll med kommunestyret eller overprøve politiske prioriteringar eller kor politisk føremålstenleg eit vedtak er. Kontrollutvalet kan likevel uttale seg om kommunestyret eller anna folkevald organ er i ferd med å treffe eller har treft eit ulovleg vedtak.



Aktørane i eigenkontrollen er kommunestyret (bystyret eller fylkestinget), kontrollutvalet saman med sekretariatet, kommunedirektøren og revisor. Ein god eigenkontroll krev samspel mellom desse.

For at dette samspelet skal fungere, er det nødvendig at aktørane kjenner både si eiga og kvarandre sine roller.





### 3. Økonomi


For å utøve funksjonen sin på ein god måte ber kontrollutvalet kommunestyret om økonomiske rammer som gjer den nødvendige aktiviteten for å oppfylle kontrollutvalet sitt mandat mogleg.

Kontrollutvalet er etter Forskrift om kontrollutvalg og revisjon pålagt å utarbeide budsjettforslag for kontrollarbeidet i kommunen.

Rekneskapstala for den samla kontrollverksemda i kommunen kjem fram av kommunen sin samla årsrekneskap. På neste side følgjer budsjett- og rekneskapstal for 2022.

	BUDSJETT 2022	REKNESKAP 2022
Møtegodtgjersle	35 000	24 840
Tapt arbeidsforteneste	10 000	1 300
Arbeidsgjevaravgift	5 000	2 771
Servering	2 000	-
Kursverksemd, ink. reise, opphald og mat	40 000	22 961
Kontingent FKT	5 000	3 700
<b>Sum Kontrollutval</b>	<b>97 000</b>	<b>55 572</b>
Sekretariat	141 000	141 000
Revisjon (rekneskapsrevisjon og forvaltningsrevisjon)	625 380	625 380
<b>Sum</b>	<b>863 380</b>	<b>821 952</b>

Kontrollutvalet har halde drifta innanfor den totale budsjetttramma. Det er likevel nokre avvik mellom budsjett og rekneskap. Det har blitt nytta mindre midlar enn det som er budsjettert til opplæring/kurs. Det har og blitt utbetalt mindre i godtgjersle og tapt arbeidsfortjeneste enn det som var budsjettert.



## 4. Sammensetjing av kontrollutvalet

Krav til sjølvstende og nøytralitet i kontrollutvalet sitt arbeid fører til at medlemmane i utvalet ikkje kan ha verv som kan komme i konflikt med arbeidet i kontrollutvalet. Difor er det strenge krav for å vere valbar for medlemmane av kontrollutvalet jf. kommunelova §23-1 tredje ledd.



Val av kontrollutvalet skal skje på det konstituerande møtet før val av andre utval og nemnder. Utvalet skal ha minst fem medlemmar og minst ein av desse skal veljast blant kommunestyret sine medlemmar. Leiaren av utvalet kan ikkje vere medlem av same parti eller høyre til same gruppe som ordføraren. Bystyret kan foreta nyval av kontrollutvalet sine medlemmar i valperioden, men då må heile utvalet veljast på nytt.

**FASTE MEDLEMMAR**


Leiar	Jonn Foldøy (Krf)
Nestleiar	Anne Odny foldøy (Krf)
Medlem	Einar Søreide (Ap)
Medlem	Berit Wraa (H)
Medlem	Steinar Torsdalen (Sp)

**VARAMEDLEMMAR****VARA FOR SP/H:**

Vara nr. 1	Leif roholdt (Sp)
Vara nr. 2	Elisabeth Wisland (H)

**VARA FOR AP/Krf:**

Vara nr. 1	Björg Kyrkjebø Ståland (Ap)
Vara nr. 2	Svein Henriksen (Ap)
Vara nr. 3	Anita Bakkan (Ap)



## 5. Kompetanse og opplæring


Det vert stilt stadig større krav og forventningar til kontrollutvalet sin kompetanse, både frå det politiske miljøet og kommunen sine innbyggjarar. Kunnskap om kontrollutvalet si rolle, oppgåver og lovverk er nødvendig for å utføre dei oppgåvene som går fram av lov og forskrift.

Opplæring og kursverksemd kan skje lokalt (haust- og vårkonferanse i regi av VETAKS) eller gjennom sentrale tilbod. Kontrollutvalet vert kvart år invitert til Kontrollutvalgskonferansen i regi av Norges kommunerevisorforbund (NKRF) og Fagkonferansen i regi av Forum for kontroll og tilsyn (FKT). Dette er viktige samlingar for å tilføre kontrollutvalet sine medlemmar ny kunnskap, og det er arenaer der kontrollutvalsmedlemmar frå heile landet møtest og drøfter saker og arbeidsmetodar. Det blir vidare gitt opplæring i ulike tema i kontrollutvalet sine møte frå sekretariatet, revisjonen og administrasjonen.

*Leiar i kontrollutvalet deltok på NKRF sin Kontrollutvalgskonferanse 21-22. april 22. På grunn av koronapandemien vart konferansen digital. VETAKS sin vårkonferanse vart avlyst grunna pandemien. Eit kontrollutvalsmedlem deltok på Vetaks sin haustkonferanse 29. november.*

*Kontrollutvalet har i dag ei god samansetjing av kompetanse, men dei aukande krava frå omgivnaden til det faglege nivået, og utfordringane for kommunen, medfører at utvalet framleis har trong for å utvikle sin kompetanse. Kontrollutvalet ønskjer difor å oppretthalde ei viss kurs- og konferanseaktiviteten i det kommande året.*





## 6. Sekretariat

Kontrollutvalssekretariatet er støttespelar for kontrollutvalet og er viktig for eit godt og effektivt kontrollarbeid i utvalet. Sekretariatet skal etter koml. § 23-7, 2. ledd sjå til at dei sakene som vert handsama av kontrollutvalet er forsvarleg utgreidde og at utvalet sine vedtak vert iverksett. Sekretariatet hjelper vidare kontrollutvalet med mellom anna oppgåver knytt til administrasjon, rådgiving og koordinering. I det daglege arbeidet er sekretariatet bindeleddet mellom kontrollutvalet, revisjonen og administrasjonen, og utfører oppgåver på vegner av kontrollutvalet.

Kommunen er medeigar i, og kontrollutvalet får sekretariathjelp frå Vestfold, Telemark og Agder kontrollutvalgssekretariat IKS (VETAKS). Kommunen er medeigar i VETAKS, og kostnadene for sekretariatet sine tenester vert fordelte etter eigen fordelingsnøkkel.

Med oppdrag for 34 kommunar og 2 fylkeskommunar i Agder og Vestfold og Telemark er VETAKS det største kontrollutvalssekretariatet i landet. Sekretariatet har 10 årsverk og faste sekretær for kommunen er Ingebjørg Liland. Dagleg leiar er Line Bosnes Hegna.

Sekretariatet er sjølvstendig i høve til kommunen sin administrasjon og den eller dei som utfører revisjon for kommunen. Det er strenge grenser for kven som kan vere tilsette i sekretariatet. Den som utfører sekretariatsoppgåver for kontrollutvalet, er direkte underordna kontrollutvalet og skal følgje dei retningslinene og pålegga som utvalet gir.

Sekretariatet si heimeside er [www.vetaks.no](http://www.vetaks.no). Her finn de ytterlegare informasjon om kontrollutvalet og sekretariatet.



## 7. Revisjon


**Kommunen er medeigar i, og har avtale om levering av revisjonstenester Vestfold og Telemark revisjon IKS. Selskapet utfører rekneskapsrevisjon, forenkla etterlevingskontroll, forvaltningsrevisjon og eigarskapskontroll for kommunen. I tillegg kan revisor utføre andre oppdrag etter avtale.**

Selskapet leverer revisjonstenester til 23 kommunar og ein fylkeskommune. Kostnadene til revisjon er baserte på ein avtale mellom kommunen og selskapet, og inneheld dei revisjonstenestene som kommunen etter avtalen får levert. Det er også mogleg å bestille andre prosjekt og oppdrag frå revisjonen.

Oppdragsansvarleg rekneskapsrevisor er Hilde Vatnar. Kirsti Torbjørnson og Bente Hegg Ljøsterød er oppdragsansvarlege forvaltningsrevisorar.

Kontrollutvalet har et ansvar for å sjå til at det vert gjennomført revisjon av kommunen og at den vert gjennomført etter gjeldande standardar og regelverk. I dette ligg mellom anna at revisor kvart år legg fram eigenvurdering av sjølvstende, overordna revisjonsplan / revisjonsstrategi og orienterer i kvart møte om det pågåande revisjonsarbeidet basert på revisjonsstrategien.

Revisjonen si heimeside er [www.vtrevisjon.no](http://www.vtrevisjon.no). Her finn de mellom anna rapportar frå revisjonen.





## 8. Arbeidet til kontrollutvalet – møte og saker

Kontrollutvalet har i 2022 heldt 4 møte og handsama 30 saker.


Kontrollutvalet sine møter er åpne for publikum med unntak av dei tilfella der det etter lov og forskrift er pålagt å lukke møtet. Saksdokumenta og protokollane vert fortløpande lagt ut på sekretariatet si heimeside: <https://opengov.360online.com/Meetings/VETAKS/Boards/Details/200373>.

Administrasjonen blir ved fleire høve invitert til kontrollutvalet for å orientere om ulike verksemdsområde i kommunen. Kontrollutvalet ønskjer å vere synleg og ha god kontakt med leinga i kommunen. Rådmannen og representantar for rådmannen har delteke på fleire av møta i utvalet, noko kontrollutvalet oppfattar som ein styrke i arbeidet sitt.

Kontrollutvalet har fleire ulike verktøy for å gjennomføre arbeidet sitt.



KONTROLLUTVALET'S VERKTØYKASSE – VERKEMIDDELTRAPPEN



## 8.1 Rekneskapsrevisjon

**Revisjon av årsrekneskapan er ein sentral del av kommunen sin eigenkontroll. Revisor skal gi tryggleik for at ein kan stole på informasjonen kommunen gir om økonomien sin.**

Revisor er ein sjølvstendig og objektiv tredjeperson som gjennom sine kontrollar kan avdekkje og førebyggje feil og manglar i den økonomiske rapporteringa. Revisor vil i tillegg rettleie kommunen for å bidra til å førebyggje og avdekkje feil og misleghald.

Kontrollutvalet skal sjå til at kommunen blir revidert på ein forsvarleg måte. Utvalet er difor avhengig av at revisor gir tilstrekkeleg rapportering om revisjonsarbeidet. At kontrollutvalet og revisor har ein god dialog og god forståing av oppgåvene sine, er viktige føresetnader for å vere trygg på at revisjonsarbeidet blir forsvarleg utført.



**Kontrollutvalet sin uttale til Kviteseid kommune sin årsrekneskap 2021:**

Kontrollutvalet handsama i møtet 10.05.22 årsrekneskap for Kviteseid kommune. Saman med årsrekneskapen følgde kommunedirektøren si årsberetning. Vestfold og Telemark revisjon IKS har avlagt revisjonsmelding og rapport til kontrollutvalet om årsrekneskapen.

Kontrollutvalet hadde ingen merknader til årsrekneskapen for Kviteseid kommune for 2021 og tilrådde at Kviteseid kommune sitt årsrekneskap og årsmelding for 2021 vert godkjend.

Kontrollutvalet si uttale vart sendt kommunestyret med kopi til formannskapet.

**Overordna revisjonsstrategi for rekneskapsrevisjon**

Føremålet med den overordna revisjonsstrategien for rekneskapsrevisjon er å informere kontrollutvalet på eit overordna nivå om den revisjonsstrategi revisor har lagt for rekneskapsåret 2022. Etter god revisjonsskikk er planen for revisjonen dynamisk for å ta hensyn til eventuelle endringar. Denne saka vart handsama av kontrollutvalet i møte 06.09.22, sak 18/22.



## 8.2 Forenkla etterlevingskontroll

Det går fram av kommunelova at revisor er pålagt å gjennomføre forenkla etterlevingskontroll med økonomiforvaltninga. Kontrollen skal vere basert på ei risikovurdering, og den skal gjennomførast med moderat tryggleik. Kontrollutvalet blir orientert om risikovurderinga og resultatet av kontrollen.

**I kommunelova § 24-9 er rekneskapsrevisor gitt i oppgåve å gjennomføre ein forenkla etterlevingskontroll med økonomiforvaltninga:**

“Regnskapsrevisor skal se etter om kommunens eller fylkeskommunens økonomiforvaltning i hovedsak foregår i samsvar med bestemmelser og vedtak.

Revisor skal basere oppgaven på en risiko- og vesentlighetsvurdering, som skal legges fram for kontrollutvalget. Revisor skal innhente tilstrekkelig informasjon til å vurdere om det foreligger brudd på lover, forskrifter eller vedtak, der bruddet er av vesentlig betydning for økonomiforvaltningen.

Revisor skal senest 30. juni avgi en skriftlig uttalelse til kontrollutvalget, med kopi til kommunedirektøren, om resultatet av kontrollen»

**Lova føreset at kontrollen vert gjennomført med avgrensa ressursar og resultatet er basert på moderat tryggleik. Kontrollen skal utførast i tråd med revisjonsstandarden RSK301.**

**Forenkla etterlevingskontroll 2021**

Revisor har gjennomført ein kontroll av etterlevinga av kommunen sine eigne internkontroll rutinar på rapportering av budsjett og rekneskaps oppfølging. Revisor undersøkte følgande problemstillingar:

1. Om alle einingar har gjennomført kontrollane kvar månad til fristen
2. Om dette blir kontrollera av økonomiavdelinga med tilbakemeldingar der det synes naturleg.

**Revisor sin konklusjon:**


Basert på dei utførte handlingane og bevis som revisor har henta inn er revisor ikkje blitt merksame på andre forhold som gir grunn til å tru at Kviteseid kommune ikkje i det alt vesentlege har fylgd sine eigne retningslinjer for internkontroll på lønns- og økonomiområdet.

Kontrollutvalet tok etterlevingskontrollen til vitande.

**Risiko og vesentlegheitsvurdering for forenkla etterlevingskontroll 2022**

Revisor har valt ut kommunen sine rutinar for etterberekning av opphaldsbetalingar i institusjon. Formålet med kontrollen er å evaluere i kva grad kommunen etterlever regelverket for berekning av opphaldsbetaling.

Revisor sin uttale frå forenkla etterlevingskontroll 2022 blir handsama i kontrollutvalet våren 2023.



## 8.3 Forvaltningsrevisjon

Forvaltningsrevisjon er ei av dei lovpålagte oppgåvene til kontrollutvalet. Gjennom forvaltningsrevisjon kan kontrollutvalet undersøkje om kommunen etterlever regelverk, oppnår fastsette mål, og om ressursane vert effektivt forvalta.

### Av kommunelova § 23-3 går det fram at:

*«Forvaltningsrevisjon innebærer å gjennomføre systematiske vurderinger av økonomi, produktivitet, regeletterlevelse, måloppnåelse og virkninger ut fra kommunestyrets eller fylkestingets vedtak.*

*Kontrollutvalget skal minst én gang i valgperioden, og senest innen utgangen av året etter at kommunestyret eller fylkestinget er konstituert, utarbeide en plan som viser på hvilke områder det skal gjennomføres forvaltningsrevisjoner. Planen skal baseres på en risiko- og vesentlighetsvurdering av kommunens eller fylkeskommunens virksomhet og virksomheten i kommunens eller fylkeskommunens selskaper. Hensikten med risiko- og vesentlighetsvurderingen er å finne ut hvor det er størst behov for forvaltningsrevisjon.*

*Planen skal vedtas av kommunestyret og fylkestinget selv. Kommunestyret og fylkestinget kan delegere til kontrollutvalget å gjøre endringer i planene.»*

Kontrollutvalet er delaktig i val av tema og utforming av problemstillingar basert på ei overordna risikovurdering, innanfor dei rammer som er gitt av kommunestyret. Forvaltningsrevisjon gjer det mogleg for kontrollutvalet å gå i djupna i ulike saksforhold, innan eitkvart verksemdsområde i kommunen. Det er vidare mogleg å gjennomføre forvaltningsrevisjonar i selskap kommunen har eigarinteresse i. Forvaltningsrevisjon vil difor kunne ha høg nytteverdi, både i utvalet si kontrollverksemd, og i kommunen sin internkontroll og forbetningsarbeid.



Kontrollutvalet handsama i møtet 08.09.20 sak nr. 19/20 plan for forvaltningsrevisjon 2020-2023 & plan for eigarskapskontroll 2020-2023. Planen baserar seg på ei risiko- og vesentlegheitsvurdering som er utarbeidd av Vestfold & Telemark revisjon IKS. Planen er vedtatt av kommunestyret i møtet 05.11.2020 sak 80/20.

Gjeldande plan for forvaltningsrevisjon 2020-2023:

**Forvaltningsrevisjon:**

1. Egedomsforvaltning
  - a. Tema: Vedlikehald og drift av egedomsmassen (Prosjekt levert i 2021)
2. PPT
  - a. Tema: Ressurssituasjonen Måloppnåing (Bestilt hausten 22)
3. Innkjøp
  - a. Tema: Oppfølging av miljøkrav og andre sosiale hensyn (Bestilt vår 22)

**Forvaltningsrevisjonsrapport -Innkjøp i Kviteseid kommune**

Kontrollutvalet bestilte i sak 8/22 en forvaltningsrevisjon med tema Innkjøp.

Forvaltningsrevisjonen har følgende problemstilling:

- Sikrar Kviteseid kommune at innkjøp skjer etter konkurranse og i samsvar med reglane om offentlege innkjøp?


Forvaltningsrevisjonsrapporten skal opp til handsaming i kontrollutvalet 14.03.23.

**Forvaltningsrevisjonsrapport -Vest-Telemark PPT**

Kontrollutvalet bestilte i sak 26/22 en forvaltningsrevisjon med tema Vest-Telemark PPT. Forvaltningsrevisjonen blir gjort med dei andre eigarkommunane. Forvaltningsrevisjonen har følgende problemstillingar:

- Er kommunane si eigarstyring av selskapet i samsvar med krav, eigne føringar og tilrådingar?
- Har kommunen tiltak for å oppfylle kravet i opplæringslova § 5-6 om pp-teneste?
- Har selskapet tiltak for å ivareta sentrale selskapsrettslege krav til verksemda?
- Har selskapet tiltak for at selskapet leverer tenester i samsvar med selskapsavtala?

Det er planlagt at forvaltningsrevisjonsrapporten skal opp til handsaming i kontrollutvalet hausten 2023.



## 8.4 Eigarskapskontroll

Eigarskapskontroll er ei av dei lovpålagde oppgåvene til kontrollutvalet og er eit viktig verkemiddel for å sikre at selskapa ligg under demokratisk styring og kontroll.

**I kommunelova § 23-4 står dette om eigarskapskontroll:**

*«Eierskapskontroll innebærer å kontrollere om den som utøver kommunens eller fylkeskommunens eierinteresser, gjør dette i samsvar med lover og forskrifter, kommunestyrets eller fylkestingets vedtak og anerkjente prinsipper for eierstyring. Kontrollutvalget skal minst én gang i valgperioden, og senest innen utgangen av året etter at kommunestyret eller fylkestinget er konstituert, utarbeide en plan for hvilke eierskapskontroller som skal gjennomføres.*

*Planen skal baseres på en risiko- og vesentlighetsvurdering av kommunens og fylkeskommunens eierskap. Hensikten med risiko- og vesentlighetsvurderingen er å finne ut hvor det er størst behov for eierskapskontroll.*

*Planen skal vedtas av kommunestyret og fylkestinget selv. Kommunestyret og fylkestinget kan delegere til kontrollutvalget å gjøre endringer i planen.»*



*Plan for forvaltningsrevisjon 2020-2023 og eigarskapskontroll 2020-2023 vart hansama i kontrollutvalet 08.09.2020, sak 19/20. planen var vedtatt av kommunestyret 05.11.2020.*

Plan for eigarskapskontroll 2020-2023 består av eit prosjekt:

- Eigarstyring med tema "*Eigarskapsmelding - innhald og oppfølging*".

Det er ikkje nok ressursar igjen i kontrollutvalet sitt budsjett til å gjennomføre dette prosjektet. Kontrollutvalet vil i samband med forvaltningsrevisjonen av Vest-Telemark PPT gjennomføre ein eigarskapskontroll i selskapet. Viser til prosjektets problemstillingar på side 23 i årsmeldinga.

## 8.5 Andre saker

**Kontrollutvalet har i tillegg til tidlegare nemnde saker handsama følgjande:**

- Oppfølging etter revisors fråsegn om forenkla etterlevingskontroll 2020
- Årsmelding for kontrollutvalet 2021
- Vurdering av forvaltningsrevisors sjølvstende 2022
- Orienteringssak - Situasjonen ved Kviteseid helsehus
- Revisor sin rapport til kontrollutvalet for rekneskapsåret 2021
- Budsjett for kontrollarbeidet 2022
- Vurdering av rekneskapsrevisors sjølvstende 2021
- Orientering om budsjett for Kviteseid kommune 2022
- Orientering om kommunens handtering av innkommen post
- Orientering om handtering av misleghald
- Kontrollutvalet sin møte- og arbeidsplan 2022

## 9. Konklusjon og avsluttande kommentar


Årsmeldinga vert med dette lagt fram for kommunestyret. Ved å sjå møte- og arbeidsplan og årsmelding i samanheng, kan kommunestyret sjå om dei vedtekne oppgåvene og målsettinga for kontrollutvalet er eller blir følgde opp.

- Vedteken plan for forvaltningsrevisjon vert fortløpande følgde opp.
- Kontrollutvalet har utført og følgd opp sine oppgåver i tråd med vedteken møte- og arbeidsplan.

Kviteseid, 14.03.23

Jonn foldøy  
Leiar

Ingebjørg Liland  
Utvalet sin sekretær/rådgivar





# VETAKS

VESTFOLD, TELEMAR OG AGDER  
KONTROLLUTVALGSSEKRETARIAT IKS

VETAKS.NO